



## **education**

Lefapha la Thuto la Bokone Bophirima  
Noord-Wes Departement van Onderwys  
North West Department of Education  
**NORTH WEST PROVINCE**

### **PROVINCIAL ASSESSMENT**

#### **MOPHATO 11**

**SETSWANA PUO YA GAE (HL)**

**PAMPIRI YA BORARO (P3)**

**NGWANAITSEELE 2019**

**MEMORANTAMO**

**MADUO: 100**

**Memorantamo o, o na le ditsebe di le 14.**

**KAROLO YA A : RUBORIKI YA GO TSHWAYA TLHAMO YA -PUO YA GAE [ MADUO A LE 50 ]****ELA TLHOKO**

- Dirisa ruboriki ka gale fao tshwaya tlhamo ya boithlamedi (Pampiri 3. KAROLO YA A).
- Maduo a go tloga go 0-50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se samaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

<b>Ditlhokego</b>		<b>Phitlhelelo ka dinaledi</b>	<b>Phitlhelelo ka matsetseleko</b>	<b>Phitlhelelo ka tekano</b>	<b>Phitlhelelo e e tlaelang</b>	<b>Ga a fitlhelela</b>
<b>DITENG LE IPAANKANYO</b>  (Tsibogelo le dikakanyo)  Thulaganyo ya dikakanyo tsa ipaakanyo  Temogo ya maitlthomo, baamogedi, le bokao  <b>30 MADUO</b>	<b>Maemo a kwa godimo</b>	<b>28-30</b>	<b>22-24</b>	<b>16-18</b>	<b>10-12</b>	<b>4-6</b>
		-Tsibogelo ya maemo a a kwa godimo go gaisa a a tlwaelegileng.  - Dikakanyo tse di bothale, tse di gwetlhang mogopolo le go supa kgolo.  - E rulagantswe le go lomagana ka maemo a dinaledi go tsenyeletsa matseno, mmele le bokhutlo.	- Tsibogelo e e tthamilweng ka matsetseleko.  - Dikakanyo tse di maleba tota gape di kgalhisa le bosupi jwa kgolo.  - E rulagantswe bontle thata le go lomagana go tsenyeletsa matseno, mmele le bokhutlo.	-Tsibogelo e e itumedisang.  - Dikakanyo di lomagane mo go tshaloganyegang e bile go kgotsofatsa.  - E rulagane le go lomagana mo go tshaloganyegang go tsenyeletsa matseno, mmele le bokhutlo.	-Tsibogelo ya tomagano e e sa tthomamang.  - Dikakanyo tse di sa tshapang e bile di se na boithlamedi.  - Bosupi jo bonnye jwa thulaganyo le tomagano.	-Tsibogelo e e seng maleba gotlhelele.  - Dikakanyo tse di tlhakatlhakaneng le go tlhoka tsepamo.  -Di gasagane le go boelediwa.  - Ga e a rulagana e bile ga e a lomagana.
	<b>Maemo a kwa tlase</b>	<b>25-27</b>	<b>19-21</b>	<b>13-15</b>	<b>7-9</b>	<b>0-3</b>
		- Tsibogelo e e manonthotho mme e tlaela ditlhokego tse di tsibosang tsa tlhamo ya maemo a dinaledi.  - Dikakanyo tse di bothale e bile di supa kgolo.  - E rulagantswe ka matsetseleko le ka tomagano go tsenyeletsa matseno, mmele le bokhutlo.	- Tsibogelo e e tthamilweng ka matsetseleko.  - Dikakanyo tse di maleba gape di kgalhisa.  - E rulagantswe bontle le go lomagana go tsenyeletsa matseno, mmele le bokhutlo.	- Tsibogelo e e itumedisang mme e latlhelwa ke go tshaloganyesega.  - Dikakanyo di lomagane le go kgotsofatsa.  - Maemo a a rileng a thulaganyo le tomagano go tsenyeletsa matseno, mmele le bokhutlo.	- Bogolo jwa tsibogelo ga bo maleba.  - Dikakanyo tse di sa lomaganeng e bile di tlhakatlhakane.  - Ga go na bosupi jwa thulaganyo le tomagano.	- Ga go na maiteko a go tsibogela setlhogo.  - Dikakanyo tse di seng maleba e bi le di sa siama gotlhelele.  - Ipaakanyo e e sa tsepamang e bile e tlhakatlhakane.

**RUBORIKI YA TLHATLHOBO YA TLHAMO YA PUO YA GAE [ MADUO A LE 50] tsweletso**

<b>Ditlhokego</b>		<b>Phitlhelelo ka dinaledi</b>	<b>Phitlhelelo ka matsetseleko</b>	<b>Phitlhelelo ka tekano</b>	<b>Phitlhelelo e e tlaelang</b>	<b>Ga a fitlhelela</b>
<b>PUO ,SETAELE LE GO TSELEGANYA/ RUNA</b>  Segalo, rejisetara, setaele, tlotlofoko tse di maleba go maikaelelo/ditlamorago le bokao  Tlhopho ya mafoko  Tiriso ya puo le melawan,a,tiriso ya matshwao a puiso, thutapuo le mopeleto  <b>15 MADUO</b>	<b>Maemo a kwa godimo</b>	<b>14-15</b> - Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo.  - Puo e e tlohlolo, e itumedisa ka maemo a a tlaolegileng.  - Segalo se se na leng maikaelelo a a tlotlheletsang.  - Ga go na diphoso tsa thutapuo le tsa mopeleto ka gotlhe.  - Puo e e manontlhotlo ya maemo a a kwa godimo.	<b>11-12</b> - Segalo, rejisetara, setaele le tlotlofoko di maleba thata le maikaelelo, baamogedi le bokao.  - Puo e nonofile le tiriso ya segalo e maleba.  - Bogolo jwa yona ga bo na diphoso tsa thutapuo le mopeleto.  - Puo e tlhamilwe ka matsetseleko.	<b>8-9</b> - Segalo, rejisetara, setaele le tlotlofoko di maleba le maikaelelo, baamogedi le bokao.  - Tiriso e e maleba ya puo go thagisa bokao.  -Segalo se maleba.  - Tiriso ya malepa a a tlotlheletsang ya go thagisa diteng.	<b>5-6</b> - Segalo, rejisetara, setaele le tlotlofoko bo maleba jwa tsona bo kwa tlase le maikaelelo, baamogedi le bokao.  - Tiriso ya puo ke ya maemo a motheo thata.  - Segalo, thopo le tiriso ya mafoko e e seng maleba.  - Tlotlofoko e lekanyeditswe thata.	<b>0-3</b> - Segalo, rejisetara, setaele le tlotlofoko ga di maleba le maikaelelo, baamogedi le bokao.  - Tlotlofoko e nnye thata mme e dira gore go nne thata go tlaoganya.  - Puo ga e tlaoganyesegae.
		<b>KAGEGO</b> Diponagalo tsa sethangwa  Kago ya ditemana le go thangwa ga dipolelo  <b>5 MADUO</b>	<b>Maemo a kwa tlase</b>	<b>12-13</b> - Puo e e matsetseleko ya tlotlheletso e e nonofileng mo segalong.  - Ga e na diphoso tsa thutapuo le tsa mopeleto ka gotlhe.  - E tlhamilwe ka manontlhotlo.	<b>10</b> - Puo e e ngokang e bile e nonofile ka kakaretso.  - Segalo se se siameng se nonofile.  - Diphoso tse di mmalwa tsa thutapuo le mopeleto  - E tlhamilwe bontle	<b>7</b> - Tiriso ya puo e e mo magareng, ka go tlhoka tsepamo.  - Segalo se siame ka kakaretso le tiriso e e lekanyeditsweng ya malepa a tlotlheletso.
<b>5</b> - Kago e e manontlhotlo ya setlhogo.  - Dintlhana tse di tlaolegileng.  - Dipolelo, ditemana di bopilwe bontlentle.	<b>4</b> - Kago e e latelanang ya dintlhana.  - E lomagane  - Dipolelo, ditemana, di latelana, di a farologana.			<b>3</b> - Kago ya dintlhana tse di maleba.  - Dipolelo, ditemana tse di bopilweng sentle.  - Tlhamo e sa ntse e tlaoganyega.	<b>2</b> - Go na le dintlha dingwe tse di amogelesegang.  - Dipolelo le ditemana di fosagetse.  - Tlhamo e sa ntse e na le tlaoganyo.	<b>0-1</b> - Dintlha tse di bothokwa di a tlaela.  - Dipolelo le ditemana di fosagetse.  - Tlhamo e tlhoka tlaoganyo.
<b>SEELO SA MADUO</b>		<b>43-50</b>	<b>33-40</b>	<b>23-30</b>	<b>13-20</b>	<b>0-10</b>

**RUBORIKI YA TLHATLHOBO YA SETLHANGWA SA TIRISANO SA PUO YA GAE [ MADUO A LE 25]**

<b>Ditlhokego</b>	<b>Phitlhelelo ka dinaledi</b>	<b>Phitlhelelo ka matsetseleko</b>	<b>Phitlhelelo ka tekano</b>	<b>Phitlhelelo e e tlhaelang</b>	<b>Ga a fitlhelela</b>
<b>DITENG, THULAGANYO LE SEBOPEGO</b>  - Tsibogelo le dikakanyo  - Kokoanyo ya dikakanyo gore go rulagannngwe  - Maitlhommo, baamogedi, diponagalo/melawana le tiriso  <b>MADUO 15</b>	<b>13-15</b>  - Tsibogelo ya maemo a a kwa godimo go gaisa se se lebeleletsweng ka gale.  - Dikakanyo tse di bothale, tse di gamogileng.  - Kitso e e tseneletseng ya diponagalo tsa mofuta wa setlhangwa  - Kwalo e e tsepameng  - Diteng le dikakanyo di lomagane.  - Tlhaloso ya maemo a a kwa godimo e bile dintlha tsotlhe di tshegetsang setlhogo.  - Sebopego se se maleba gape e nepagetse.	<b>10-12</b>  - Tsibogelo e ntle tota e e bontshang kitso e ntle ya diponagalo tsa mofuta wa setlhangwa.  - E tsepame, ga e a fopoga setlhogo.  - Diteng le dikakanyo di lomagane, dintlha tse di thadisitsweng sentle gape di tshegetsang setlhogo.  - Sebopego se se lolameng ka diphoso tse dinnye.	<b>7-9</b>  - Tsibogelo e e lekaneng e e bontshang kitso ya diponagalo tsa mofuta wa setlhangangwa.  - Ga e a tsepama ka gotlhe go na le go eta e fapoga mo setlhogong.  - Diteng le dikakanyo di lomagane mo go utlwalang. - Dintlha dingwe di tshegetsang setlhogo  - Sebopego se se maleba ka kakaretso fela go na le go sa nepagale go go rileng.	<b>4-6</b>  - Tsibogelo e e kwa tlase e e supang kitso ya diponagalo tsa mofuta wa setlhangwa.  - Go na le tsepamo e e rileng mme kwalo e fapogile setlhogo.  - Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo.  - Tiriso e e phatlaletseng ya melawana ya sebopego. - Go tloisiwa ga matlho go go tseneletseng.	<b>0-3</b>  - Tsibogelo e senola go tlhoka kitso ya diponagalo tsa mofuta wa setlhangwa  - Bokaojo bo kgoreketsegileng ka go fapoga setlhogo go go feteletseng.  - Ga go na tomagano ya diteng le dikakanyo.  - Ke dintlha di le mmalwa fela tse di tshegetsang setlhogo.  - Ga go a dirisiwa melawana ya sebopego.
<b>PUO, SETAELE LE GO TSELEGANYA/ RUNA</b>  - Segalo, rejisetara, setaele, maitlhommo, baamogedi le tiriso  - Tiriso ya puo le melawana  - Tlhopho ya mafoko - Matshwao a puo le mopeleto  <b>MADUO 10</b>	<b>9-10</b>  - Segalo, rejisetara, setaele le tlotlofoko tse di maleba thata le maitlhommo, baamogedi le tiriso  - Thutapuo e nepagetse e bile e agegile sentle.  - E e se nang diphoso gotlhelele	<b>7-8</b>  - Segalo, rejisetara, setaele le tlotlofoko tse di lolameng thata le maitlhommo, baamogedi le tiriso.  - Thutapuo e nepagetse ka kakaretso e bile e agegile sentle.  - Tlotlofoko e e siameng tota. - Ga go na diphoso go le go golo.	<b>5-6</b>  - Segalo, rejisetara, setaele le tlotlofoko di maleba le maitlhommo, baamogedi le tiriso.  - Go diphoso dingwe tsa thutapuo.  - Tlotlofoko e e lekaneng.  - Diphoso ga di kgoreletse bokao.	<b>3-4</b>  - Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso.  - Thutapuo e e sa lolamang ka diphoso tse dintsi.  - Tlotlofoko e e lekanyeditsweng. - Bokao bo kgoreletsegile.	<b>0-2</b>  - Segalo, rejisetara, setaele, tlotlofoko ga di tsamaisane le maitlhommo, baamogedi le tiriso.  - E phephetha ka diphoso gape e tlhakatlhakane.  - Tlotlofoko ga e maleba go maitlhommo.  - Bokao bo kgoreletsegile tota.
<b>SEELO SA MADUO</b>	<b>22-25</b>	<b>17-20</b>	<b>12-15</b>	<b>7-10</b>	<b>0-5</b>

**KAROLO YA A: TLHAMO****POTSO 1**

Morutwana o tshwanetse go araba potso e le NNGWE.

**1.1 Tlhamo ya tlhaloso**

Mokwadi mo tlhamong e, o tlhalosa ka sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Ga re lebagane le dikgwetlho tsa botshelo ka go tshwana.**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Ditiragalo di tshwanetse go latelana sentle.
- Motlhatlhojwa o tshwanetse go bopa setshwantsho ka setlhogo se a se filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo le kutlo go tlhalosa mofuta wa tlhamo sentle.
- Puo ya botshwantshi e dirisiwe ka boitshemoleledi go tlisa kgang/tiragalo.
- Motlhatlhojwa a bontshe fa a na le maitemogelo mo setlhogong se.
- Bokhutlo e nne jo bo kgodisang.

**Se se lebeletsweng mo motlhatlhojweng:**

- A kwale ka setlhogo se a itlhophetseng sona.
- A tlhalose ka botlalo ka moo re sa lebaganeng le dikgwetlho tsa botshelo ka teng.
- A tlhalose seabe le thuso e Lefapha la Katlatleloloago/badireloago ba ka e neelang.
- A sobokanye dintlha. [50]

**1.2 Tlhamo ya kanelo**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: ... **ke fa mogala wa me wa letheke o lela.**

**Dintlha tse di latelang di tshwanetse go elwa tlhoko fa go tshwaiwa tlhamo ya kanelo.**

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno a nne a a ngokang.
- Kanelo e ntle go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bokhutlong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, moduo, monko/monkgo le tiriso ya ditemosi tse dingwe.
- Go tshwanetswe ga elwa tlhoko gore mofuta o wa tlhamo o a tlhalosa.

**Se se lebeletsweng mo motlhatlhojweng:**

- A kwale ka ga setlhogo se a itlhophetseng sona.
- Tlhaloso ya setlhogo ka botlalo.
- A tlhagise ditiragalo tse di senolang bonnete jwa setlhogo se.
- Ditlamorago tsa go lela ga mogala wa letheke.
- Tshobokanyo ya dintlha.

[50]

**1.3 Tlhamo ya tlhaloso**

Mokwadi mo tlhamong e, o tlhalosa ka sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Tlhatlhosho ya leokwane ke tlhobaboroko naga ka bophara .**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Motlhatlhojwa o tshwanetse go bopa setshwantsho ka setlhogo se a se filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwa ditshwantsho tsa pono, modumo le kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli go tlisa kgang/tiragalo.
- Motlhatlhojwa a bontshe fa a na le maitemogelo mo setlhogong se.
- Bokhutlo e nne jo bo kgodisang.

**Se se lebeletsweng mo motlhatlhojweng:**

- A kwale ka ga setlhogo se a itlhophetseng sona.
- A tlhalose setlhogo ka botlalo.
- A tlhagise matsapa a tlhatlhosho ya leokwane mo nageng.

- A tthagise ditlamorago tsa tlhatlholo ya leokwane mo baaging.
- Dingongorego tsa badirisi mo nageng ka bophara.
- Tshobokanyo ya dintlha.

[50]

#### 1.4 Tlhamo e e sa tseyeng letlhakore

Mofuta o wa tlhamo, o tthagisa ngangisano e e lekalekanang go emela kgotsa go nna kgatlanong le sengwe se setlhogo se buang ka ga sona, kemo ya mokwadi e tthagisiwa fela kwa bofelong.

Sekao sa setlhogo: **Batsadi ke bona ba tthaloganyang bana ba bona botoka.**

**Dintlha tse di latelang di tshwanetse go elwa tlhoko fa go tshwaiwa tlhamo e e sa tseyeng letlhakore.**

- Tlhamo e itshupe ka go lekalekana.
- E tthagise matlhakore a mabedi a a farologaneng a ngangisano e e rileng.
- E lebelela kemo ya botlhe, fela mokwadi a itebelele ka dinako dingwe.
- Puo e nne e e tsosang maikutlo.
- Ngangisano e dire tthaloganyo e e utlwalang.
- Bokhutlo bo supe kemo ya mokwadi.
- Maikutlo a nne le seabe sa botlhokwa.
- Tlhamo ya mofuta o, e kwalwe ka pakajaanong.

**Se se lebeleletsweng mo motlhatlhojweng:**

- Setlhogo se a itlhopetseng sona.
- Tlhaloso ya setlhogo.
- Seabe sa batsadi mo go tthaloganyeng bana ba bona.
- Tsela e batsadi ba amang bana ka yona.
- Tshobokanyo ya dintlha.

[50]

#### 1.5 Tlhamo ya ngangisano

Mo tthamong e, motlhatlhojwa o tthagisa kakanyo, ntlhakemo, mme a nganga ka maitlhommo a go dibela kemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe, mme motlhatlhojwa a leke go pateletsa mmuisi go leba ditiragalo la leitlho la gagwe.

Sekao sa setlhogo: **Lefapha laThuto leTlhabololo ya Metshameko le tswelele go tsenya tirisong dithuto tlaletso tsa dikhempe go barutwana ba marematlou mo malatsing a boikhutso? Dumela kgotsa o ganetse tthagiso e.**

**Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:**

## Memorantamo – Mophato 11

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsa ntlhakemo ya gagwe mme a tthalose se.
- Tlhamo e tlhagisa letlhakore le le lengwe, mme dikakanyo di tlhagisiwe ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang, mme e pateletsa mmuisi go dumalana le tse di tlhagisitsweng.
- Tlhamo ya mofuta o, e kwalwe ka pakajaanong.

**Se se lebeletsweng mo motlhatlhojweng:**

- A kwale ka ga setlhogo se a itlhophetseng sona.
- A tthalose setlhogo le tlhagiso ya ntlhakemo ya gagwe.
- A tlhagise tumelo kgotsa kganetso ya gagwe mo go reng a lefapha la thuto le tlhabololo ya metshameko le tsewelele ka dithuto tlaleletso tsa dikhempe go barutwana ba marematlou mo malatsing a boikhutso.
- Tshobokanyo e e tlhagisang ntlhakemo ya motlhatlhojwa.
- A bue ntlhakemo ya gagwe, mme a e dibeke ka bosupi jo bo rileng. [50]

**1.6 Tlhamo ya maitlhamo**

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo /tsibogo ya gagwe. Motlhatlhojwa a ka leba ditiro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Nka dira eng gore kgwebopotlana ya me e tsewelele go gola?**

**Dintlha tse di latelang di tshwanetse go elwa tlhoko fa go tshwaiwa Tlhamo ya maitlhamo.**

- Tlhamo ya maitlhamo e tseye letlhakore.
- Maikutlo a nne le seabe sa botlhokwa.
- Karolo e kgolo mo tlhamong e ka tthalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/Megopolo /Maikutlo di tshwanetse go senola boammaruri le maitemogelo.

**Se se lebeletsweng mo motlhatlhojweng:**



- Setlhogo se a ithophetseng sona.
- Tlhaloso ya setlhogo.
- A tlhalose dikeletso tse a ka di dirang go godisa kwebopotlana:
  - tirisano mmogo le bareki
  - dikuno tse go gwebiwang ka tsona
  - tsamaiso ya kgwebo
- Bokhutlo jo bo maleba.

**[50]**

### 1.7 1.7.1 Tlhamo ya kanelo/ tlhaloso

Mofuta o wa tlhamo, o anela ka sengwe kgotsa tiragalo e e fetileng. E kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:**

- Ditiragalo di tshwanetse go latelana sentle, mme mmuisi a dumele gore go diragetse, le fa e le dijo tsa ditoro.
- Tlhamo e kwalwe ka paka e e fetileng.
- Matseno e nne a ngokang.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetse ga elwa tlhoko gore mofuta o wa tlhamo o a anela/ tlhalosa.

**Se se lebeleletsweng go tswa mo motlhatlhojweng:**

- A kwale ka setlhogo se a ithophetseng sona.
- A tlhalose setlhogo ka botlalo.
- A tlhalose maemo a baagi ba iphitlhelang mo go ona.
- A tlhalose dikgwetlho tsa go nna mo tikologong e e leswe.
- A supe boitshimololeli.
- Bokhutlo bo supe maikutlo a gagwe.

**[50]**

### 1.7.2 Tlhamo ya tlhaloso

Mofuta o wa tlhamo, o tlhalosa sengwe ka mokgwa o mmuisi a tlaa itemogelang se se tlholosiwang jaaka go batlega.

Sekao sa setlhogo: **Setshwantsho**

**Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso.**

- Motlhatlhojwa o tshwanetse go bopa setshwantsho ka mafoko a tihalose ditiragalo tse di mo setshwanatshong.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo le kutlo, go tihalosa mofuta o wa tlhamo sentle.
- Puo ya botshwantshi e dirisiwe ka boitshimololeli go tlisa kgang/tiragalo.
- Motlhatlhojwa a bontshe fa a na le maitemogelo mo setlhogong se.

**Se se lebeleletsweng go tswa mo motlhatlhojweng:**

- A kwale setlhogo se a itlhophetseng sona.
- A tihalose setlhogo ka botlalo.
- A tihalose dikgwetlo tsa go godisa ngwana yo o phelang ka bogole.
- A tihalose ka moo setšhaba se tsaang bana ba digole ka teng(a ba a ba ba amogela kgotsa ba a ba kgetholola)
- A sobokanye ditlamorago tsa se se diragalang mo setshwantshong. [50]

**PALOGOTLHE YA KAROLO YA A : 50**

**KAROLO YA B: DITLHANGWA TSA TIRISANO****DIPOTSO 2**

Morutwana o tshwanetse go araba dipotso tse PEDI fela

**2.1 LEKWALO LA SEMMUSO LA KOPO**

Lekwalo la semmuso ke le le kwalelwang setheo se se rileng, mokwadi o kopa sengwe kgotsa thuso ka mokgwa mongwe mo setheong seo. Motlhatlhojwa a tlhamalale ka kgang a se dikadike, a bontshe go tlhaloganya ntlha e a buang ka yona.

**Dintlha tse di tshwanetseng go elwa tlhoko:**

- Ditlhokego tse di farologaneg tsa lekwalo la semmuso di tlhagisiwe ka tlhomamo (popego le setaele)
- Leba kgangkgolo e e leng maitlhommo a gago.
- Puo e tlhamalale, tlhaeletsana ga se e ntsi gonne motlhatlhojwa a sa itse motho yo a mo kwalelang.
- Go se ka ga nna le diphoso tsa mofuta ofe mo lekwalong le.
- Matseno a nne maleba le setlhogo.
- Le supe bokhutlo jo bo tlhamaletseng bo latelwe ke ditlhakaina tsa mokwadi.

**Se se lebeletsweng go tswa mo motlhatlhojweng:**

- Diaterese di nne pedi, ya mokwadi le ya moamogedi.
- Setlhogo sa lekwalo le ditumediso di kwalwe.
- Motlhatlhojwa a thadise ka ga bothata jo a lebaganeng najo.
- A tlhagise kopo ya go akaretsa sekolo sa bona mo lenane la phepo ya dijo gonne barutwana ba tlhola ka tlala kwa sekolong.
- Bokhutlo e nne jo bo maleba ka se se solofetsweng.

**[25]****2.2 LEKWALO LA BOTSALANO**

Lekwalo la botsalano ke le le kwalelwang mongwe yo o amanang le ena ka tsela nngwe, tlhaeletsano ka ga sengwe jaaka taletso, tebogo, kgalemo, thotloetso, keletsomasego jalo jalo.

**Dintlha tse di tshwanetseng go elwa tlhoko:**

- Lekwalo le, le le leele, ka lona motlhatlhojwa o buisana le balosika, ditsala le bangwe fela ba a ka neng a itsane nabo.
- Go se ka ga nna le diphoso tsa mofuta ofe mo lekwalong le.
- Motlhatlhojwa a ka ya lolololo ka dikgang tse a batlang go di tlotla.

- A kwale matseno a a ngokang mmuisi go buisa lekwalo le go supa motho yo a mo kwalelang.
- Motlhatlhojwa a kwale aterese e le nngwe e leng ya gagwe.

**Se se lebeletsweng go tswa mo motlhatlhojweng:**

- Aterese e nngwe fela(ya mokwadi).
- Ditumediso di kwalwe,sekao, Tsala/leina la gagwe
- Motlhatlhojwa a thadise lebaka la go kwala lekwalo le.
- A supe kgalemelo mo mokgweng o maswe wa go ratana le rralelapa.
- Bokhutlo e nne jo bo maleba.

[25]

**2.3 LENAANETEMA LE METSOTSO**

Lenaanetema le metsotso di dirisiwa gantsi fa go tshwarwa dikopano. Mokwaledi wa mokgatlo/setlamo o romelela batlapitsong kitsiso le lenaanetema pele go ka tshwarwa kopano.

**Dintlha tse di tshwanetseng go elwa tlhoko:**

- Ditlhokego di tlhagisiwe ka tlhomamo (popego le setaele)
- Leba kgangkgolo e e leng maitlhomamo a gago.
- Puo e tlhamalale.

**Se se lebeletsweng go tswa mo motlhatlhojweng:**

- Sobokanya se se tla buiwang kwa kopanong.
- Romelela balalediwa lenaanetema pele ga kopano.
- Rulaganya dintlha go ya ka botlhokwa jwa tsona pele ga kopano.
- Tsaya tshwetso ka nako e ntlha e nngwe le e nngwe e tla e tsayang.
- Kwala se se diragetseng kwa kopanong.
- Nopola ditshwetso tse di tserweng lefoko ka lefoko.
- Tlhagisa tshosobanyo ya se se tshitshintsweng le se go dumalanweng ka ga sona kwa bofelong.
- Kwala ka pakapheti.

[25]

**2.4 TSA BOTSHELO JWA MOSWI**

Tsa botshelo jwa moswi ke tshedimose tso e e botlalo fela e le khutshwane ka ga botshelo jwa yo o tlhokafetseng.

**Dintlha tse di tshwanetseng go elwa tlhoko:**

- Neelana ka tshedimose tso e ntsi ka mo o ka kgonang ka teng fela e nne maleba.
- Tlhagisa tshedimose tso e e tletseng ka dintlha tse di latelang:

Leina la moswi (o ka tlhagisa leina le moswi a tlwelegileng ka lona), letlha la matsalo, boemo jwa tsalo, batsadi, boagi, dithutego, tiro, seabe mo setšhabeng (fa go tlhokega), kemo ya nyalo (fa a nyetswe kgotsa a nyetse), bana fa ba le teng, sebakwa sa loso, ba a ba tlogelang kwa morago, kgangnyana e ba lelapa ba tlaa ikgopotsang moswi ka yona, leboko la thorisio la gaabo le mafoko a go robatsa moswi.

**Se se lebeletsweng mo motlhatlhojweng:**

- Setlhogo se nne le maina a moswi ka botlalo.
- Tlhagiso ya dintlha tse di fa godimo di rulagantswe ka kelotlhoko.
- Tiriso ya phefofatso.
- Bokhutlo e nne jo bo maleba ka se se solofetsweng. **[25]**

**2.5 ATHIKELE YA LOKWALODIKGANG**

Ke lokwalo lo go kwalwang sengwe se go bonwang se le botlhokwa go kwala ka ga sona. Diathikele tsa lokwalodikgang di tlhagisa dilo tse di ratwang le tse sa ratweng.

**Dintlha tse di tshwanetseng go elwa tlhoko:**

- Setlhogo se gogele le go kgatlhisa.
- Maina, mafelo, dinako, maemo le tshedimosetso nngwe le nngwe e e botlhokwa di tshwanetse go akarediwa mo athikeleng.
- Athikele e tshwanetse go tsosolosa kgatlhego le go tshwana le papatso.
- Ga go na popego e e tshwanetseng go salwa morago.

**Se se lebeletsweng mo motlhatlhojweng:**

- Setlhogo se se maleba, se se gogelang le go kgatlhisa.
- Leina la mokwadi le tlhagisiwe.
- Motlhatlhojwa a bue ka botlhokwa jwa go tlhopho mo Aforikaborwa.
- Boleng jwa letshwao la X mo tswelatsong ya ikonomi le dipolotiki tsa naga ya rona.
- Bokhutlo e nne jo bo maleba. **[25]**

**2.6 MMUISANO**

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta ba buisana ka ga dikakanyo kgotsa ka ga setlhogo sengwe se se rileng. Sebopego sa mmuisano ke sa dipotsotherisano fela ona o dirisiwa gongwe le gongwe ke mongwe le mongwe.

**Dintlha tse di tshwanetseng go elwa tlhoko:**

- Mmuisano o kwalwa ka mokgwa o moterama a kwalang ka ona.
- Go nna le dibui di le pedi kgotsa go feta.
- Diteng di supe boithamede, kelelo ya dintlha le go tsamaelana ga ditiragalo.
- Maina a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo le moonno di tsamaelana le ditiragalo.
- Matshwao a puiso a tsamaelane le puisano.

**Se se lebeletsweng mo motlhatlhojweng:**

- Setlhogo se supe gore mmuisano o ka ga eng.
- Matseno e nne a a kgodisang.
- A go nne le kelelo ya dipotso le dikarabo.
- Diteng tsa mmuisano di se fapoge setlhogo.
- Bokhutlo e nne jo bo maleba ka se se solofetsweng.

**[25]****PALOGOTLHE YA KAROLO YA B: 2x25: 50****PALOGOTLHE: 100**